



Broj: 05/1-16-025427/24  
Tuzla, 12.08.2024.godine

Na osnovu člana 5. Odluke o uslovima, kriterijima i postupku raspodjele sredstava za sufinansiranje razvoja i unaprijeđenje javne tržišne infrastrukture na području Tuzlanskog kantona za 2024. godinu broj 02/1-18-11438/24 od 23.04.2024.godine (u daljem tekstu: Odluka), ministar trgovine, turizma i saobraćaja Tuzlanskog kantona raspisuje

## II JAVNI POZIV

### za podnošenje prijava za sufinansiranje razvoja i unaprijeđenja javne tržišne infrastrukture na području Tuzlanskog kantona za 2024. godinu

#### 1. PREDMET POZIVA

Kroz ovaj Javni poziv, podržat će se ulaganja u tržišnu infrastrukturu za aktivnosti povezane s održivim ruralnim razvojem, kao što su zelene pijace, lokalne tržnice, infrastruktura koja će biti na raspolaganju lokalnim korisnicima koji se bave proizvodnjom unutar sljedećih sektora: voća i povrća, stočarstva, mesa, mlijeka i mliječnih proizvoda, pčelarstva, žitarica i uljarica, ljekobilja, aromatičnog bilja i gljiva i sektor starih i tradicionalnih zanata, ruketvorina i ostalih malih poduzetnika iz sektora trgovačke djelatnosti.

Javni poziv je izrađen u skladu sa Budžetom Tuzlanskog kantona za 2024.godinu („Službene novine Tuzlanskog kantona“, broj 3/24) i Zakonom o izvršenju Budžeta Tuzlanskog kantona za 2024.godinu („Službene novine Tuzlanskog kantona“ broj 3/24).

#### 2. SVRHA DODJELE SREDSTAVA

Javnim pozivom bespovratna finansijska sredstva se dodjeljuju za sufinansiranje projekata čija su ulaganja usmjerena u podizanje kvaliteta tržišne infrastrukture kroz ostvarenje slijedećih ciljeva:

- Jačati lokalno tržište, te lokalnim proizvođačima osigurati uslove za planiranje i unapređenje proizvodnje i plasman poljoprivredno-prehrambeno-zanatskih i ostalih proizvoda;
- Unaprijediti postojeća mjesta za otkup, prezentaciju i prodaju poljoprivredno-prehrambenih i drugih lokalnih proizvoda uz ispunjavanje minimalnih zdravstveno-higijenskih uslova;
- Povećati prodaju lokalnih poljoprivredno-prehrambenih-zanatskih i drugih proizvoda čime se doprinosi povećanju prihoda malih poduzetnika u sektoru trgovine, te poboljšanju uslova života u ruralnim područjima;

- Unaprijediti kvalitet promocije lokalnih proizvoda, higijene i sigurnosti hrane uspostavljanjem boljih uslova i opremljenosti prodajnih mjesta na lokalnim tržnicama;
  - Promovisati dobre poslovne prakse (dobre higijenske prakse, ozelenjivanje prodajnog mjesta u skladu sa EU Zelenim planom, sigurnosnih uslova na prodajnom mjestu i dr.) i održivog razvoja uključujući aspekte zaštite okoliša, javnog zdravstva i sigurnosti hrane;
  - Doprinjeti uvođenju mjera i minimalnih standarda zdravstveno-higijenskih uslova na prodajnim mjestima.
- (1) Bespovratna sredstva odobravati će se za sufinansiranje sljedećih aktivnosti u okviru projekta:
- izgradnju,
  - dogradnju,
  - rekonstrukciju ili adaptaciju,
  - uređenje i opremanje objekata javne tržišne infrastrukture.
- (2) Sve aktivnosti, uključujući građevinske radove, nabavku opreme, ugradnju opreme, nabavku mašina i izvođenje radova moraju biti završene u roku od 12 mjeseci od datuma potpisivanja ugovora. Sve planirane investicije čiji predviđeni rok završetka prelazi ovaj rok će se smatrati neprihvatljivim i biće odbijene.
- (3) Za projekte koji obuhvataju građevinske radove čija je realizacija u toku podnosioci imaju pravo prijave na Javni poziv, s tim da završetak mora biti planiran u roku iz stava (2) ovog člana, objekat/oprema mora biti stavljen u funkciju, a svi troškovi nastali prije potpisivanja ugovora neće biti prihvaćeni.
- (4) Nabavka i ugradnja polovne opreme nije dozvoljena.
- (5) Nije dozvoljena nabavka od fizičkog lica koje nije registrovano za djelatnost proizvodnje i prodaje predmeta kupoprodaje.

## PRIHVATLJIVOST TROŠKOVA

Sredstva podrške ne mogu se koristiti za:

- Troškove redovnog poslovanja podnosioca zahtjeva za podršku (plaće i ostala primanja zaposlenih, troškove prijevoza i putovanja, studijska putovanja, pokriće gubitaka, poreze i doprinose, kamate na kredite, carinske i uvozne takse ili bilo koje druge naknade)
- Najam i kupovinu vozila,
- Troškove redovnog poslovanja
- Adaptaciju dijelova objekata koji neće biti korišteni od strane korisnika javnog preduzeća ( npr. kancelarijski prostor, podrumi, ostave i slično)
- Kupovina građevinskog zemljišta i već postojećih zgrada i objekata;
- Kupovina objekata za prodaju;
- Za sve druge troškove koji nisu vezani za realizaciju kandidiranog projekta i ciljeve programa

Podnosilac prijave će biti dužan pravdati trošak ukupnih sredstava predviđenih za realizaciju prijedloga projekta, kako vlastitih, tako i bespovratnih sredstava.

Da bi investicije i troškovi bili prihvatljivi potrebno je da budu:

- neophodni za implementaciju predloženog projekta;
- realni i predviđeni budžetom;
- opravdani i mjerljivi; i
- nastali nakon potpisivanja ugovora sa korisnicima i tokom implementacije projekta.

### 3. PRAVO UČEŠĆA

Prihvatljivi podnosioci prijava za dodjelu bespovratnih sredstava u okviru ovog Javnog poziva su **isključivo javna preduzeća** koja se bave organizacijom poslova lokalnih tržnica, a podržati će se tržišni infrastrukturni projekti koji će biti na raspolaganju prije svega lokalnim korisnicima koji se bave proizvodnjom unutar sljedećih sektora: sektor voća i povrća, sektor stočarstva, sektor mesa, sektor mlijeka, sektor pčelarstva, sektor žitarica i uljarica, sektor ljekobilja, aromatičnog bilja i gljiva i sektor starih i tradicionalnih zanata, rukotvorina i ostalih malih poduzetnika iz sektora trgovačke djelatnosti. Podnosilac prijave može dobiti bespovratna finansijska sredstva samo za jedan projekt. Podnosioci prijave su odgovorni za realizaciju projekta uključujući i finansijske obaveze.

### 4. PODNOŠENJE PRIJAVE

Prijavu podnose korisnici koji ispunjavaju prethodno navedene kriterije za pravo učešća.

Privredni subjekti koji se prijavljuju na ovaj Javni poziv obavezni su dostaviti zahtjev i dokumentaciju propisanu ovim Javnim pozivom.

#### 4.1. ZAHTJEV

Prijava se podnosi dostavljanjem propisanog Obrasca 1. Zahtjeva za sufinansiranje koji se može preuzeti na web stranici Ministarstva trgovine, turizma i saobraćaja Tuzlanskog kantona: <http://mtstk.gov.ba>, odnosno Vlade Tuzlanskog kantona: <http://vladatk.kim.ba> i sastavni dio je ovog Javnog poziva.

Podnosilac prijave obavezno popunjava sve rubrike u zahtjevu, isključivo na računaru i isti ovjerava potpisom ovlaštenog lica i pečatom privrednog subjekta.

#### 4.2. DOKUMENTACIJA

1. Uz prijavu na Javni poziv, koja se dostavlja na Obrascu br. 1, koji se može preuzeti na web stranici Ministarstva, podnosilac prijave dostavlja i sljedeću dokumentaciju:
2. Obrazac br. 2 za Budžet/finansijski plan projekta sa traženim elementima, koji se može preuzeti na web stranici Ministarstva (ukoliko je budžet izrađen na osnovu ponuda, potrebno je uz budžet dostaviti i ponude) - ispunjen, potpisan, ovjeren i u cjelosti popunjen isključivo na računaru,
3. Rješenje o registraciji – original ili ovjerena kopija,
4. Uvjerenje o poreznoj registraciji kod Porezne uprave FBiH – ID broj – original ili ovjerena kopija,
5. Obavještenje o razvrstavanju prema klasifikaciji djelatnosti – original ili ovjerena kopija.
6. Uvjerenje o urednom ispunjavanju obaveze plaćanja poreza i doprinosa (direktnih i indirektnih),
7. Potvrdu ili uvjerenje nadležnog suda da odgovorna osoba nije osuđena pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini - original ili ovjerena kopija,

8. Dokaz nadležnog suda da prijavitelj nije pod stečajem ili da nije predmet postupka likvidacije, u skladu sa važećim propisima u Bosni i Hercegovini;– original ili ovjerena kopija,
9. Vremenski plan realizacije predloženih aktivnosti i finansiranja,
10. Ugovor sa bankom o otvaranju transakcijskog računa na koja će se doznačiti odobrena sredstva,
11. Potpisanu izjavu o namjeri i iznosu vlastitog sufinansiranja,
12. Izjavu o korištenim podrškama male vrijednosti,
13. Foto dokumentaciju trenutnog stanja prijavljenog projekta,
14. Dokaz o sufinansiranju, ukoliko je projekat sufinansiran i iz drugih izvora,
15. Dokaze o vlasničkom ili drugom stvarno-pravnom statusu prema objektu ili području realizacije projekta, odnosno kopije ZK izvadaka svih katastarskih čestica iz obuhvata projekta (ne starije od 30 dana). Ako objekt ili područje realizacije projekta nisu u 100% vlasništvu podnosioca prijave prilaže se ovjerena izjava da su vlasnici ili suvlasnici saglasni s provedbom projekta odnosno dokaz o pravu raspolaganja tim zemljištem (ugovor o korištenju ili zakupu ili koncesiji minimalno na 10 godina, sporazum o zamjeni zemljišta, punomoć, rješenje ili dr.),
16. Tehničku dokumentaciju o projektu, predmjer građevinskih i zanatskih radova, izradenu i ovjerenu od ovlaštenog inženjera i dostavljenu u printanoj verziji ili idejna rješenja za projekte koji nemaju obavezu obezbjeđenja odgovarajuće građevinske dozvole;
17. Uvjerenje nadležnog tijela o usklađenosti zahvata projekta s važećom prostorno-planskom dokumentacijom,
18. Urbanističku ili građevinsku dozvolu za projekte odnosno potvrdu nadležnog tijela da za navedene aktivnosti nije potrebno ishoditi građevinsku dozvolu
19. Ako se prijavljuje nabava opreme, prilažu se odgovarajuće ponude dobavljača s tehničkim opisom opreme koja se nabavlja i usklađenost iste sa idejnim rješenjem koje se odnosi na projekat.

**NAPOMENA:** Dokumentacija mora biti original ili ovjerena kopija od strane nadležnog organa koja ne može biti starija od 90 dana (izuzev dokumenatacije pod rednim brojem 15.). Dokumentacija treba biti složena prema gore navedenom redoslijedu (1-19).

## 5. SREDSTAVA ZA DODJELU

- (1) Sredstva se raspoređuju shodno članu 69. Zakona o izvršenju Budžeta Tuzlanskog kantona za 2024.godinu („Službene novine Tuzlanskog kantona“ broj 03/24) sa ekonomskog koda 615400, funkcije 0471 - kapitalni transferi javnim preduzećima u iznosu od 50.000,00 KM (slovima: pedesethiljada konvertibilnih maraka) potrošačka jedinica 22010001 Ministarstva trgovine, turizma i saobraćaja Tuzlanskog kantona (u daljem tekstu: Ministarstvo).
- (2) Realizacijom Javnog poziva poboljšava se i ujedno jača lokalno tržište, te se lokalnim proizvođačima osiguravaju uslovi za planiranje i unapređenje proizvodnje i plasman poljoprivredno-prehrambeno-zanatskih i ostalih proizvoda. **Ukupno raspoloživi budžet namijenjen za ovaj Javni poziv iznosi 50.000,00 KM. Pojedinačan projekat podrške finansiran od strane ovog Javnog poziva može iznositi minimalno 10.000 KM do maksimalno 20.000 KM.**
- (3) Za svaki predloženi projekat nosilac prijave mora obezbjeđiti novčano sufinansiranje u iznosu od najmanje 50% od ukupnog iznosa predložene investicije/intervencije.

Podnosilac prijave će obezbijediti podatke o izdvojenim finansijskim sredstvima kroz prijavni obrazac i budžet, zajedno sa izjavom o minimalnom iznosu sufinansiranja.

- (4) Ministarstvo trgovine, turizma i saobraćaja Tuzlanskog kantona zadržava pravo da ne raspodijeli sva raspoloživa sredstva, u slučaju da kvalitet projektnih prijedloga ne bude zadovoljavajući i da ne ispunjavaju sve definirane kriterije.
- (5) U okviru Javnog poziva prihvatljive su prijave za projekte koji će se realizovati na području Tuzlanskog kantona.

## **6. IZBOR KORISNIKA I PRAVNA ZAŠTITA**

Ministar rješenjem imenuje komisiju za odabir sufinansiranja projekata za razvoj i unapređenje javne tržišne infrastrukture na području Tuzlanskog kantona za 2024. godinu (u daljnjem tekstu: Komisija).

Komisija ima zadatak da razmotri prijave po Javnom pozivu, utvrdi da li su ispunjeni opći i posebni kriteriji utvrđeni Odlukom, izvrši bodovanje i sačini preliminarnu listu.

Članovi Komisije potpisuju izjavu o nepristrasnosti i povjerljivosti.

Komisija utvrđuje blagovremenost, potpunost te usklađenost prijave s općim kriterijima Javnog poziva.

Prijave pristigle po objavljenom Javnom pozivu obrađuju se po redoslijedu zaprimanja.

Nakon formalno-pravne provjere svake pristigle prijave, te bodovanja u skladu s kriterijima iz Odluke, Komisija će utvrditi preliminarnu listu odabranih projekata i projekata koji nisu prihvaćeni.

U slučaju da dvije ili više prijava imaju isti broj bodova, izvršit će se rangiranje prijava na osnovu datuma zaprimanja prijava.

Prijave, koje su nepotpune, neblagovremene i nisu podnesene na propisani način, neće biti razmatrane.

Preliminarna lista se objavljuje na web stranici Ministarstva i Vlade Tuzlanskog kantona, a sadrži:

- a) nazive podnosioca prijave,
- b) nazive projekata,
- c) iznose sufinansiranja,
- d) razlozi zbog kojih projekti nisu prihvaćeni.

Na preliminarnu listu podnosioci prijava mogu izjaviti pisani prigovor u roku od 5 dana od dana objave preliminarne liste, na način utvrđen u Javnom pozivu. Prigovori se predaju u zatvorenoj koverti, preporučeno poštom ili lično na adresu centralne pisarnice Vlade Tuzlanskog kantona, u ulici Fra Grge Martića br.8 (preko puta Srednje medicinske škole) u Tuzli.

Odluku o prigovoru donosi Ministar, u roku od 5 dana od dana isteka roka za prigovor. Odluka Ministra po izjavljenom prigovoru je konačna.

Po okončanju roka za prigovor i nakon rješavanja prigovora, Ministar donosi Odluku o utvrđivanju konačne liste o odobravanju finansijskih sredstava korisnicima sa iznosima i namjenom. Konačna lista se objavljuje na web stranici Ministarstva i Vlade Tuzlanskog kantona.

U skladu sa Odlukom o utvrđivanju konačne liste, sa odabranim korisnicima se u roku od 15 dana od objavljivanja konačne liste, zaključuje Ugovor kojim će se definisati međusobna prava, obaveze, odgovornosti i rokovi realizacije projekta.

Odabir projekata i dodjela bespovratnih sredstava vrši se na osnovu sljedećih posebnih kriterija:

KRITERIJI ZA OCJENJIVANJE PRIJAVA			BODOVI	NAJVIŠE
1	Faza realizacije, odnosno pripreme projekta	Projekat već u fazi realizacije	20	do 20
		Urađena projektna dokumentacija	15	
		Projekat u fazi idejnog rješenja	10	
2	Udio vlastitih ili drugih sredstava	Iznos vlastitog sufinansiranja > 50% ukupne vrijednosti projekta	20	do 20
		Iznos vlastitog sufinansiranja = 50% ukupne vrijednosti projekta	15	
3	Kvalitet projektnog prijedloga	<p>Kakav je značaj i relevantnost projekta za ostvarenje postavljenih ciljeva:</p> <p>1. Projekat uvodi unapređenje higijene prodajnog mjesta i sigurnosti prehrambenih proizvoda na način da se proizvodi čuvaju na adekvatan način i da se spriječi njihova kontaminacija u dodiru s ljudima, te u konačnici zaštititi zdravlje kupaca – 5 bodova</p> <p>2. Projekat doprinosi poboljšanju uslova rada na radnim mjestima, i zaštite zdravlja prodavača, ukoliko se radi o postojećem objektu ili se projektom kreiraju prodajna mjesta koja osiguravaju adekvatne uslove za rad i zaštitu zdravlja prodavača, a ujedno su u skladu sa svim propisanim normama koje definišu rad ovakvih objekata – 5 bodova</p> <p>3. Inovativnost i kreativnost – 5 bodova</p> <p><i>Izvor provjere: Projektna dokumentacija</i></p>	15	do 40
		<p>Ocjena koristi projekta za širu zajednicu (pristupačnost projekta osobama s invaliditetom, smanjenom pokretljivošću ili drugim ranjivim skupinama)</p> <p>1. 0 – 5 bodova 2. 1 – 5 bodova</p> <p><i>Izvor provjere: Projektna dokumentacija</i></p>	5	

		<p>Da li je prijedlog projekta održiv u smislu nastavka funkcioniranja i održavanja i nakon završetka implementacije projekta?</p> <p>1. Prijedlog projekta održiv – 5 bodova 2. Prijedlog projekta nije održiv ili nije navedeno – 0 bodova</p> <p><i>Izvor provjere: Projektna dokumentacija</i></p>	5	
		<p>Da li su očekivani rezultati izvodljivi, dobro opisani i mjerljivi?</p> <p>1. DA – 5 bodova 2. NE – 0 bodova</p> <p><i>Izvor provjere: Projektna dokumentacij, Finansijski plan</i></p>	5	
		<p>Da li je predloženi budžet realan i jasan?</p> <p>1. DA – 10 bodova 2. NE – 0 bodova</p> <p><i>Izvor provjere: Projektna dokumentacij, Finansijski plan</i></p>	10	
4	Ekonomski pokazatelji	<p>Investicija će rezultirati kreiranjem novih radnih mjesta</p> <p>1. NE – 0 bodova 2. DA, jedno radno mjesto – 5 boda 3. DA, dva i više radnih mjesta – 10 bodova</p> <p><i>Izvor provjere: Projektna dokumentacija</i></p>	10	do 20
		<p>Projektna aktivnosti obuhvaćaju određen broj registrovanih trgovaca pojedinaca</p> <p>1. NE – 0 bodova 2. DA, do 10 – 5 bodova 3. DA, preko 10 – 10 bodova</p> <p><i>Izvor provjere: Projektna dokumentacija</i></p>	10	
		UKUPNO	100	

Podnosilac prijave može ostvariti maksimalno 100 bodova po prijavljenom projektu.

Bespovratna sredstva odobrenja se samo za projekte koji ostvare 60 i više bodova.

Sa podnosiocima odobrenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

## 7. ROK ZA DOSTAVLJANJE PRIJAVA

Rok za dostavljanje prijava je 30 (trideset) dana od dana objave ovog Javnog poziva. Javni poziv će biti objavljen na web stranici Ministarstva trgovine, turizma i saobraćaja Tuzlanskog kantona: <http://mtstsk.gov.ba/> i web stranici Vlade Tuzlanskog kantona: <http://vladatg.kim.ba/>.

Nepotpune i neblagovremene prijave na ovaj Javni poziv neće se uzeti u razmatranje.

## 8. MJESTO I NAČIN PODNOŠENJA PRIJAVA

Prijave se podnose Ministarstvu trgovine, turizma i saobraćaja Tuzlanskog kantona u zatvorenoj koverti, preporučeno putem pošte na adresu:

Ministarstvo trgovine, turizma i saobraćaja Tuzlanskog kantona,

Fra Grge Martića br. 8

75000 Tuzla,

ili lično na centralnu pisarnicu Vlade Tuzlanskog kantona, u ulici Fra Grge Martića br.8 (preko puta Srednje medicinske škole u Tuzli).

Na zatvorenoj koverti obavezno je navesti:

**Ne otvarati - Prijava na JAVNI POZIV za podnošenje prijava za sufinansiranje razvoja i unaprijeđenje javne tržišne infrastrukture na području Tuzlanskog kantona**

Na poleđini zatvorene koverta obavezno navesti naziv, adresu, kontakt telefon podnosioca prijave i ovjeriti pečatom podnosioca prijave.

## 9. OSTALE ODREDBE

Ministarstvo trgovine, turizma i saobraćaja Tuzlanskog kantona ne snosi nikakve troškove podnosiocu prijave u pripremi i dostavljanju prijave po ovom Javnom pozivu. Prijava (dostavljeni zahtjev i dokumentacija) po ovom Javnom pozivu ne vraća se podnosiocu prijave.

Sva dodatna pitanja u vezi sa ovim Javnim pozivom mogu se postaviti svakim radnim danima u terminima od 12 do 14 sati na telefonski broj 035/369-418.

